

He Aratohu Māu mō te  
Pūtea Takitahi Whakapiki

# Enhanced Individualised Funding

---

Mēnā e noho ana koe i te rohe o **Te Waiariki, o Te Moana a Toi ki te Hauāuru** hoki, ā, kua whiwhi kē i te Pūtea Takitahi, kei te whakaaro rānei koe ki te Pūtea Takitahi Whakapiki, māu ēnei aratohu.

# **Ko te pūtake matua o te Taurira Hou mō te Tautoko**

**i te Hunga Whai Hauātanga, kia wātea  
ake, kia piki ake te mana motuhake,  
kia ngāwari ai te whiriwhiri tikanga  
mō ō tautoko me tō rārangi pūtea, kia  
wātea ai koe ki te whai i ĀU ake ara.**

**Ko te iho o te Pūtea Takitahi Whakapiki  
(EIF) ka pā ki tō pūtea tautoko  
hauātanga me ngā tautoko hauātanga  
ka āhei koe ki te hoko ki taua tohanga.**

Ki te noho koe i te rohe o Te Waiariki, o Te Moana a  
Toi ki te Hauāuru hoki, ka whiwhi hoki i ngā Ratonga  
Tautoko Hauātanga, kōrero ki tō NASC kia kitea ai  
mēnā he pai Te Pūtea Takitahi Whakapiki mōu.

# Me pēhea taku tono mō EIF?

**Tuatahi, kōrero ki tō Kaihautū ā-Rohe  
Tūtata, ki SupportNet rānei, (NASC) kia  
mōhio mēnā ka āhei tēnei kaupapa mōu.**

Mēnā āe, kōrero ki tō whānau me ō tāngata pēnei i  
tō Kaihautū ā-Rohe Tūtata mō te āhua o tō huarahi  
whakamua me ō whāinga mō āpōpō.

Ka noho ngātahi koutou ki te hanga pukapuka hei  
whakaahua i ēnei whāinga, i muri ka whakaae tahi  
kōrua ki te kaupapa me ngā mahi e tika ana kia  
mahia kia tutuki ai ō wawata.

Mā NASC koe e ārahi i roto i te tukanga aromatawai  
hei whakarite i tō tohanga.

Kātahi koe ka tukua ki tētahi rōpū manaaki e āhei ai  
koe te mahi tahi ki te whakahaere i tō pūtea.

**Kātahi KOE...**

**ka whai i TŌU ake  
huarahi!**

## He aha te tikanga o tēnei mōku ake?

Mā te Pūtea Takitahi Whakapiki ka āhei koe ki te:

- utu mō ngā tautoko hei whakatutuki i ngā whāinga i roto i tō mahere
- hoatu tūranga mahi ki te hunga tautoko i a koe me te whakarite i ngā utu ā-hāora mō tā rātou mahi
- utu mō ngā mahi tautoko kia āhei ai koe ki te haere ki ngā ngohe a te hāpori me ngā haere ki ngā hui, ki ngā āhuatanga hoki i waho i tōu whare
- utu mō ngā tautoko e taea ai e koe te whai te mātauranga, te whakangungu rānei.

Ka hoatu tētahi moni e wātea ana mō ngā mahi tautoko ki a koe, me te tuku hoki ki a koe i te mana whakamahi i taua moni, i runga anō i tō mahere mō tōu tautoko. Mā tō kaiwhakarato manaakitanga EIF koe e āwhina.

Mā te Pūtea Takitahi Whakapiki ka piki ake tōu mana ki te whakahaere i tō pūtea tautoko hauātanga. Ka noho ko koe hei rangatira, hei mana whakahaere i ngā tohanga ki a koe.

## He rerekē te Pūtea Takitahi Whakapiki nā te mea:

- he rerekē ōna whakaritenga mō te tuku pūtea, mā reira hoki ka āhei koe ki te whakamahi i tō tohanga hei hoko tautoko kāore i wātea ki a koe i mua
- hei āwhina tēnei kaupapa i a koe kia eke ki ō whāinga
- mā konei hoki ka āhei koe te toha pūtea kia rite ai ki tōu ake wātaka, kia tū motuhake, kia whai wāhi ai ki tō hāpori me te tiaki i a koe anō me te whakahaere i tōu noho i te ao.

## **Tērā ētahi ture!**

Ka āhei anake koe ki te whakapau i te Pūtea Takitahi Whakapiki mō:

- Ngā mea e tika ai te kī he tautoko hauātanga
- Ngā mea ka noho hei wāhi o tō mahere, ka āwhina hoki i a koe kia tutuki ō whāinga
- Ngā mea ka noho hei kawenga mā te Manatū Hauora, kāore hoki i te horaina e ētahi atu tari kāwanatanga (pēnei i te mātauranga).

## **He aha ngā āhuatanga māku e kawe?**

Ka riro tonu māu e āta whakahaere te whakapau i te tohanga, me te whakahaere i ngā rēkoata e tika ana. Arā anō ō haepapa, tae atu ki:

- te āta pupuri i ngā rekoata tōtika, me te whakaatu he pēhea i whakamahia ai ngā ratonga tautoko
- te whakatutuki i ngā kaupapa here o te Manatū e hāngai ana (ka whakamāramatia ēnei ki a koe)
- te noho mārāma ki ngā ture me ngā whakaritenga mō te hoatu mahi me te whakahaere kaimahi me te mōhio he aha ngā mahi e tika ana mō ngā ture, rekureihana hoki mō te taha tāke, me te taha whakawhiwhi mahi.

## **Ka uru ngā ngohe tākaro ki te Pūtea Whakapiki Takitahi EIF?**

Āe, mēnā:

- He tautoko hauātanga
- Ka takoha ki te whāinga i tohua i te mahere tautoko
- Ka uru ki raro i ngā karangatanga ka taea e te Manatū te tautoko.

## **He pēhea e utua ai ngā tautoko?**

Katoa ngā hoko tautoko ka whakaūngia ki te kaiwhakarato manaakitanga, ā, mā rātou e whakarite ngā utunga katoa.

## **He pēhea au e mōhio ai he aha ngā mea ka āhei hei tautoko hauātanga?**

Ko tēnei mea te tautoko hauātanga he mea ka āwhina i te tangata whai hauātanga ki te whakatutuki i ōna whāinga, otirā he mea KĀORE e hiahiatia e rātou mēna KARE KAU ō rātou hauātanga.

Ka āhei ēnei hei tautoko hauātanga:

- tētahi mea e hiahiatia ai e te tangata nā te mea he whai hauātanga ia
- he ratonga e nui ake ai te utunga nā te mea he whai hauātanga te tangata
- tētahi atu utunga e tika ana kia utua mō tētahi ratonga, mō ētahi taonga rānei nā te mea kua whai hauātanga te tangata
- he 'utu ā-kikokiko' ki tētahi tangata e tautoko ana i te tangata whai hauātanga i runga i te aroha.

## **He aha ngā mea ehara i te tautoko hauātanga?**

Kāore e kapi i te pūtea nei ngā mea ka whakaarotia māu ake e utu mēnā KĀORE ō hauātanga. Nā reira, kāore ngā utunga whaiaro pēnei i te tīkiti ki ngā pikitia māu ake, te kai, te inihua, te taputapu kīhini, whare horoi, ngā nama, ētahi atu taonga, ratonga, whakahaere rānei māu anō e utu mēnā kāore ō hauātanga, kāore e uru ki raro i tēnei karangatanga.

Mō ētahi atu mōhioatanga mō ngā Aratohu Hoko o Te Manatū, peka mai ki [health.govt.nz](http://health.govt.nz) ka rapu ai i ngā Aratohu Hoko - Purchasing Guidelines.

# **Anei ētahi o ngā kōrero a te hunga whai hauātanga e noho ana i te rohe o Te Waiariki, o Te Moana a Toi ki te Hauāuru hoki mō te Pūtea Takitahi Whakapiki.**

‘Mai rā anō ko taku hiahia kia noho ko au taku rangatira – mā ēnei pūtea ka āhei au kia noho hei rangatira.

‘Kua tau taku mauri i runga i te mōhio he pūtea ōku hei tautoko i a au me aku whāinga mō ngā rā kei mua i ahau. Otirā kua tino māmā ake tō mātou noho hei whānau.

‘Ki ahau kua whai mana whakahaere au, kua rangatira. He tino pea pai tēnei, te mutunga mai o te ātaahua mōku, he rawe te haere.

# Me Haere Au ki hea ki te Kimi i ētahi atu Kōrero?

**Ka kitea ngā taipitopito whakapā mō ngā NASC ā-rohe i te pae tukutuku o te Manatū Hauora.**

Haere ki **health.govt.nz** ka rapu ai i ngā Needs Assessment and Services Coordination.

Ka kitea ētahi atu mōhiotanga mō te Tauria Hou mō te Tautoko i Te Hunga Whai Hauātanga i te pae tukutuku o te Manatū Hauora ki **health.govt.nz**. Rapua a Tauria Hou.

Kua puta i Te Manatū Hauora ētahi atu hīti kōrero āwhina me ētahi mātārere mōhiotanga e mōhio ai koe ki ngā ratonga tautoko hauātanga ka āwhinatia ā-pūteatia e rātou.

Ka āhei koe te tiki i ēnei mā te ipurangi ki **health.govt.nz**, mā te ī-mēra **disability@moh.govt.nz** rānei, mā te waea atu ki **0800 DSD MOH (0800 373 664)** rānei.



**health.govt.nz**



**disability@moh.govt.nz**



**0800 DSD MOH (0800 373 664)**